

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel


Carolsruhae, 1765

CCCLX.

[urn:nbn:de:bsz:31-295125](https://nbn-resolving.org/urn:nbn:de:bsz:31-295125)

geben wart vff den Suntag nach sant Dyonisien Tage vnd finer Gefell-
schafft des Jars da man zalt von Cristi Geburt Vierzehenhundert vnd
Zwenzig vnd Zwey Jare.

||
(L.S.)



C C C L X.

DECISION DE TOUS LES DIFFERENTS ENTRE
JEAN COMTE DE FRIBOURG ET DE NEUCHATEL FILS DE
FEU CONRAUT COMTE DE FRIBOURG ET DE NEUCHA-
TEL, D'UNE PART, ET GUILLAUME COMTE D'AR-
BERG ET SEIGNEUR DE VALENGIN DE L'AU-
TRE, PAR LA MEDIATION DE THIBAUT DE
ROUGEMONT, ARCHEVEQUE DE
BESANÇON.

ANNO M C C C C X X I V.

Ex Bibliotheca Dom. Baronis de Zur - Lauben.

EN nom de Nostre Seigneur Amen. Par cest present publique
Instrument a tous soit manifeste, & appaire Evidenmant que
L'an de nostre Seigneur Courant mil quatre Cent Vingt & quatre selon
le stile & Vsaige de la Diocese de Befançon, le juedy apres la feste

de la purification nostre Dame que fut le huitiesme jour du mois de fe-
 burier, a heure de Midy ou Environ, En la forteresse de Vercelz de la
 ditte Diocese En la Chambre dessus de Costé le poillè En la jndiction
 troisieme L'an huitieme du pontiffiement du Tres Saint Pere En Jesus
 Christ Et Seigneur Pape Martin Cinquieme En la presence de Nous
 Notaires publics des Auctorités apostoliques Et jmeriale cy dessoubz
 Souscriptz & jurez de la Court de Monseigneur L'official de Befançon
 personnellement Establitz & a Ce Especiallement Venans Nobles Et
 puissans Seigneurs *Jehan Comte de Frybourg & de Neufchastel*, & *Sei-
 gneur de Vercelz* * d'une part Et Guillaume Comte d'Arberg & Sei-
 gneur de Valengin d'autre part, Lesquelz comme eulz disoient ha-
 voient plusieurs debatz discordes Et matieres de questions, Et par Es-
 pecial disoit Et pretendoit le dit Seigneur de Valengin Contre ledit
 Monseigneur le Comte de Frybourg & de Neuchastel que Certaine Ville
 Etant au Vaal de Ruel (a) ou Diocese de Lausanne appellée Bonde-

Q 3

(*) In literis A. M CCCC XLII. apud DUCHESNE *Histoire Genealog. de la
 Maison de Vergy*. Preuves pag. 283. Johannes hic vocatur *Comte de Fri-
 bourg & de Neufchastel, seigneur de Champlite*. *Champlite* seu *Channite*
 oppidum liberi Burgundiæ Comitatus ad fines Campaniæ, sex leucis
 Lingonibus distans.

(a) Aujourd'hui Val de Ruz, en Allemand *Rutols - Thal* ou *Rudolffs - Thal*,
 dans la Mairie de Vallangin. Voyez le *Dict. Hist. de la Suisse* par Mr.
 LEU T. XV, pag. 592.

villers^(b), L'y competoit & appartenoit par certaine Donation, faite a ses predecesseurs par feu bonne memoire Messire Loys jadis Conte doudit Neufchastel, laquelle Mon dit Seigneur de Frybourg l'y detenoit & occupoit, & pour Ce le requeroit & Supplioit que de jcelle Se veillir departir, Et le Voullsit laisie johyr Et vser disant auxi que de tout temps jl avoit accoustumé de hauoir de Certaines forches patibulaires & justice audit Vaal de Ruel & que de ycelle en Estoit en faisine Et possession, lesquelz feu bonne memoire Messire Conraud Jadit Comte de Fribourg, & de Neufchastel Et pere doudit Messire le Comte deprent avoit fait abbatre Et demolir, de laquelle Chose requeroit a luy estre fait reparation disoit auxi que Certaines gens de ses hommes sy Etoient aller demourer dehors sa jurisdiction & justice, Et Etoient aller demourer en & soubz la jurisdiction & justice doudit Monsieur le Conte, laquelle Chose ne pouhoit faire ledit Monsieur le Comte Vehu que C'estoit de son fied lequel jl ne pouhoit diminuer. Pour la party doudit Monseigneur le Conte fut dit & debaru au Contraire disant que le dit de Valangin n'avoit aucun droit oudit Bondevillers, Mais Competoit du tout au dit Monseigneur le Conte, Et avoit competé a ses predecesseurs, & djcelle En avoit johy Et vfé par l'espace de Cent ans Et plus, publiquement notoirement, & paisiblement a Vehu & Scehu dudit de Valangin, s'en ce que ledit de Valangin y eust aucun droit & se aucune donation avoit esté faite aux predecesseurs doudit de Valangin,

(b) Aujourd'hui *Boudevillers*, Mairie de la Comté de Vallangin, qui comprend les villages *Boudevillers*, *Joncher*, & *Malvilliers*, *LEU Dict. Hist. de la Suisse* Tome IV. pag. 237.

icelle n'avoit fortuy aucun Effect, Mais toujours en havoient joly & vſé
lesdits de Neufchafel & pour pluſieurs autres Cauſes & Raiſons alle-
guées pour la partie du dit Monf. le Comte Et quant a faiet des dites
forches, diſoit & pretendoit ledit Meſſire le Comte que ledit demoliffe-
ment audit eſte fait bien & juſtement pour ce que ledit de Valangin,
tenoit en fied, & hommage liege dudit Monf. le Conte lesdites forches,
& que jcelles ledit de Valangin avoit reſſait & Erigé aultrement que de
ancienney Eſtoient C'eſt a ſauoir que Elles ſouloient Eſtre a trois
pilliers, ou Columpnes, Et que ledit de Valangin les avoit faiet reſſai-
re a quatre Columpnes En luy Vueillant equiparer audit Monſeigneur
le Conte Ce que faire n'avoit pehu, ne pouhoit ne devoit, attendu que
s'il eſtoit Son ſouverain & quant a faiet de ce que ledit de Valangin
diſoit que ledit Monf. le Conte diſant que faire ſi pouhoit par la vertu
de Certaines lettres de accordz & de Traittées mutuelz faitz Entré
leurs predeceſſeurs, Et apres Ce ledit Monſeigneur le Conte diſoit
querelloit, & demandoit a dit de Valangin, qu'il eſtoit vray que le-
dit de Valangin Eſtoit ſon homme Liege ſeodal & Sujet tant a Cauſe
de ſon Conté de Neufchafel comme dudit Vercelz, Remarquez Vercelz
a Raiſon de la permutation du fief de Roche entre henry de Montſal-
çon Comte de Montbeliart Et Louis Comte de Neufchafel au nom de
dame Jenne de Montſalçon Sa femme Car le fief du Chafel de Valan-
gin fut attachéz a la Seigrie. de Vercels de tout ce qui jl tenoit tant
a Valangin, tant En Chafel Bourg ville Vul de Ruel hommes juſtice
& aultres Chofes comme aultre part, Et que ledit de Valangin avoit
grandement meprins Contre luy, premierement En ce que ledit de
Valangin avoit fait apenre vny homme doudit Monf. le Conte appellé

jehan de sales, lequel enprenant fut tué & occis dont le dit Monseigneur le Conte se disoit Estre grandement injurié, & offendu & disoit que pour ce le dit de Valangin En Estoit en dampgier dudit Monf. le Comte de son Corps & de ses Biens disoit auxi que ledit de Valangin audit affranchy de aucunes Choses les homes habitans du Bourg de Valangin sen la Licence & Consentement dudit Monf. le Comte laquelle Chose jl n'avoit pehu faire & que pour ce lesditz hommes jls Etoient acquis a tout le moyen de seruitute que jl auoit de laquelle jl les avoit affranchy & pareillement jl avoit affranchy plusieurs homes de ses homes taillables de la morte main qu'il avoit sur Eulx Et par ainfy lesditz homes Etoient acquis, & Mon dit Seigneur le Conte a tout le moins la ditte morte Main, & avec ce avoit affranchy les Cures de la Terre de Valangin, Et vendu leurs Successions apres le Trepassement desquelz ledit de Valangin devoit avoir la Succession deux disoit aussy que le dit de Valangin auoit reprins En fied & hommaige de Monseigneur L'Euesque de Basle Certaines Choses qui estoient du fied de Mon dit Sr. le Conte, apres lesquelles Choses dites, & proposees d'un Costal & d'aultre lesdites parties par le moyen & Traittés de Tres Reverend Pere, en Dieu & Seigneur Monseigneur Thiebault par la grace de Dieu Archeuesque de Befançon, Et Seigneur de Rougemont parent & amis desdictes parties & de plusieurs nobles Cheualiers & Escuiers Estans presens par devant nous Notaires cy dessoubz Souscriptz & accordz En la maniere que Sensuit, c'est a fauoir que pour la Contemplation du dit Monf. de Befançon Et a L'humble Supplication priere & requete dudit de Valangin ledit Monf. le

le Comte s'est Consentu & Consent & a Voulfu Et veut de Grace Espe-
 ciale que ledit de Valangin, hait facultez de refaire & Eriger les dic-
 tes forches de Vaul de Ruel par la Maniere & forme que anciennement
 havoient Estés C'est a Scauoir a trois colompnes en remectant & quic-
 tant audit Seigneur de Valangin les jniurés offences & Emendes a luy
 faites & commises en Eleuant & Erigeant lesdittes forches a quatre
 Columpnes, parmy ce aussy que ledit de Valangin s'est departy & de-
 part de tout en tout pour luy & ses hoirs & ayant Cause de luy perpe-
 tuellement de la ditte Ville de Bundeவில், & de tout les droit,
 Raifon & aétion que a luy competoit, Et pouhent Competer Et appar-
 tenir & que jl y querelloit par la Vertu de la ditte donation, & non
 autrement, en Confessant & Reconnoiffant que jcelle Ville de Bunde-
 willers competoit & appartenoit ou dit Messire le Conte seul & poür le
 tout & ait Voulfu & Veut ledit de Valangin que les lettres qui' en avoit
 soient nulles, & de nulle Valeur, & de non jamais fortir aulcun effet,
 & jcelles ait promis & promest de les Restituer toutes Chancellées a dit
 Monf. le Conte Saufz & referué a dit de Valangin tout ce que de an-
 cienneté ait Et possede de present a dit Bondevillers de son propre he-
 ritaige, Et non par la Vertu de la ditte donation, Et au surplus s'est
 departy & depart led. de Valangin pour luy & les siens dessus dit de
 tous les debutz & questions que pretendoit auoir Contre Mon dit Sei-
 gneur le Conte, Et apres Ce ledit de Valangin a Cogneu & Confessé
 Etre homme Vassal feodal Liege, Et tenir En fied, & hommage Lie-
 gement dudit Monf. le Conte de Fribourg & de Neuschastel tant a
 Cause de son Conté de Neuschastel, Comme de Vercelz tout ce que jl


tient oudit Vault de Ruel, tant le Chastel de Valangin Ville Bourg comme Villaiges, hommes Et aultres Choses & auxi tout ce qu'il tient ou dit Conté de Neufchastel, Comme Est contenu aux declarations Et Realement & de fait En ait fait fied & hommaige a dit Monsieur le Conte par la maniere & forme que ces predecesseurs havoient fait, Et En est Entré en fied & hommaige Liege pour luy & pour ses hoirs doudit Monf. le Conte pour luy & pour ses hoirs, En reprenant dudit Monf. le Conte par deux fois Liegement baifant ledit Monf. le Conte en la bouche, & par jnterposition de Mains Joinctes Entres les Mains dudit Monf. le Conte, En gardant les Solemnitez a ce accoustumées en tel Cas, & En jurant de deseruir lesdits fiedz & d'estre bon, Leal, Vassal feodal & Sujet dudit Monf. le Conte Comme Vassal feodal doit Estre a son Seigneur ledit Monseigneur le Conte a promis de luy faire & garder bonne foy comme bon Seigneur doit faire a son Vassal & Sujet feodal, Et de & sur les Choses dessus dittes ledit de Valangin ait promis & promet Bailler a dit Monf. le Conte lettre de declaration par la maniere & forme qui ait fait & ont faitz ses predecesseurs & non aultrement Et mon dit seigneur le Conte a promis de Bailler lettres & recepisse de receptes, & moyennant les Choses dessus ditty a L'humble Supplication & requeste du dit Seigneur de Valangin, & pour la Contemplation dudit Monseigneur de Besançon ledit Monseigneur le Conte ait remis & remett de Grace Especial & quitte a dit de Valangin, toutes injures offences & emendes auxquelles ledit de Valangin pouvoit Estre Encheu & Encore Envers Mon dit Sr. le Conte pour Cause & occasion de la mort, & occasion dudit jehan de sales faite En la personne dudit jehan de sales jadis homme dudit Monf. le Conte

par les Gens & serviteurs dudit de Valangin, Et quant aux affranchissement des hommes Et habitans du Bourg de Vallangin, & des Affranchissemens des hommes taillables & des Successions des Curès dessus dit ledit Monf. le Conte En aura la Congnoissance Et jceluy declarie Competer & appartenir a Mon dit Seigneur le Conte, Mon dit Seigneur le Conte de Grace Especiale le donra & donne a dit Monseigneur de Valangin pourueu que Mon dit Seigneur de Vallangin les tiendra de fieds dou dit Monf. Le Conte Comme façoit avent lesdit affranchissement & quant a fied que l'on dit que le dit de Valangin auoit fait a Mon dit Seigneur L'Euesque de Basle des Choses qui Etoient par avant du fied, du dit Monf. le Conte si le dit de Basle en demande aucune Chose a dit de Vallangin le dit Monf. le Conte sera tenu de En aydier a dit de Vallangin & debattre le dit fied, & luy faire comme bon Seigneur doit faire a son Vassal par Especial selon le Contenu des declarations anciennes du dit fied, & sur ce le dit Monf. le Conte en ait quitté & remis, quitte & remest a dit de Valangin les injures offences & Emendes que sur & pouhoit avoir Encouru Envers Mon dit Seigneur le Conte, Et se jl estoit trouvé que lesdites Choses fussient acquises & Commises audit Monseigneur le Conte de Grace Especiale les quitte & Remest a dit de Valangin parmy Ce que jl le tiendra du fied du dit Monf. le Conte comme façoit par avant, Et useront lesdites parties par la maniere & forme que accoustumé avoient de leur ditz drois Et possessions lesquelles traitiez & accordz En toutes & singulieres les Choses dessus dites les dites parties & une Chascune d'jcelles ont promis & promettent pour Elles & leurs hoirs L'une des dites parties a l'autre tenir garder

observer, & de non venir a Contraire par leurs ferremens, pour ce donnés aux Mains de nous ditz Notaires Cy dessoubz Subscriptz & soubz la ypoteque Et Expresse obligation de tous & singulieres les biens delles & de leurs hoirs meubles & jmeubles presens & aduenir Solemnelle & legitime, Stipulation sur ce entreuenant Vuillans lesdites parties Et vne Chacune d'jcelles Elles & leurs hoirs quant a ce Etre Contraintes par les Cours dudit Monf. L'official de Befançon, Losenne & toutes aultres Cours Ecclesiastiques, Et seculiers Ensemble Et par vne foy C'est a scauoir par Sentence dix Communiment par la prinse arrest, vendue & alienation de tous & singulieres les biens de la partie qui ne tenra & gardera les Choses dessus dites tant comme une Chascune d'jcelles parties touchent & Concernent peuhent touchir & Concerner submettans les dites parties quant a ce Elles leurs hoirs leurs biens & les Biens de leurs hoirs-meubles & jmeubles presens & aduenir a la juridiction Et Collection des dites Cours, & de toutes aultres Ensemble Et par une foy tant Comme les Choses dessus dites les touchent Et concernent Et pouhent toucher, & Concerner Renonceans lesdites parties, & vne Chascune d'jcelles par leurs serrement pour ce donnés sur suintes Evangilles de Dieu aux Mains de nous Notaires cy dessoubz Escriptz a toutes Exceptions de Mal de Baret de Lession de Circumvention force paour action En fait Condition sent Cause ou moins juste Cause a la exception de deception, a la Exception de Erreur Et de ignorance de Benefice de Restitution par Entier a droit que dict, que pour une meme cause ou chose, L'on ne peut Convenir ou Controindre vne personne En plusieurs & diuers Lieux En jugement, & que la ou ly jugement Est encommencié, jl se doit terminer & finir a la Excep-

tion des Choses dessus dites non avoir ainfy Etoit dites Louheés & passées en que aultre Chose soit Eté dicte & faite que Escrite, Et Escrite que dicte Et faite, Et generalement a toutes aultres renonciation Exception deffenses & allogations de droit & de fait que Contre ces presentes lettres, ou C'est present fait pourroient Estre dictes obyectées & oppouseés Et audroit disant que Generale renonciation ne vault si la Especial ne precede, de & sur lesquelles Choses, lesdittes parties ont voulu quises & demandeés a Elles & vne Chascune d'jcelles Estre faites lettres Et publique Instrument soubz le Seel de la ditte Court de Befançon, & les Signetz & Suscriptions publiques de nous Notaires publiques cy dessoubz Soubscript jurez de la ditte Court de Monf. L'official de Befançon ces Choses furent faites Louheés & passées L'an jour heure Mois Lieu jndiction, & pontiffement que dessus, presens le Reverend Pere En Dieu Monseigneur L'archeuesque de Befançon, nobles hommes Messire Jehan de Thoraise Seigneur de Torpes & de Loft, Jehan de Vaulmarcourz, Jehan de Longeville, Jehan de Colombier Jacques mouchet de Befançon Cheualiers, honorable homme & faige Maître Pierre Malmiffert Licentiè en decret & Bachelier En Loix Bailly du dit Monf. Le Conte, Venerables hommes Messire Jehan de Domprey Chanoyne de Befançon humber de Vuillafans Curé de Columpne, Jehan de Villers prevost de Mostier grant Vaulx Chanoine de Saint Venenne, Venerable & Religieuse personne frere Guillaume Berne prieur de Mortau, Messire Paris Curé de Burey, Valthier de Domprey Escuier, Gauthier de Monsault Escuier Bailly de Rigney En Champagne pour Noble & puissant Seigneur Messire Thibauld Seigneur de

Neufchastel En Bourgogne & de Chastel sur Mizelle, Aymé Bourgeois, Jehan de Longevallé, Loys de Vulmarcour Escuyers Et plusieurs aultres Tefmoins a ce appellées Espécialement & Requis & nous official dessus dit a la priere & Requete desdits parties a nous raportez par nos dit jurez Et a la seable Relation d'jceulz lesquelz nous ont relatez Et relatent en C'est Escrypt les Choses dessus dittes Estre Vrayes & ainfy auoir Eté Louhées & passées & le Seel de nostre Court requis estre mis En ces presentes, ledit Seel En Temoignage de Verité force & Vigueur des Choses dessus dittes avons fait mettre En ces presentes lettres qui furent données Louhées & passées L'an jour heure mois jndiction & pontifiement que dessus.



C C C L X I.

SENTENTIA JUDICII FEUDALIS BADENSIS CONTRA CUNEMANNVM A BOLSENHEIM.

A N N O M C C C C X X I V.

Ex Originali.

Ich Heinrich von Berwangen, Hofmeister &c. bekenn vnd tun kunt offenbare mit disem Brieff das ich vff disen hütigen tage zu Gericht geseßen bin zu Baden in der Statt, als ein Richter von wegen des hochgebornen Fürsten und Herren, Herrn Bernharts, Marggrauen zu Baden &c. mins gnedigen lieben Herren vnd fastend by mir dise nachgeschribene sine Manne, mit Namen Herr Abrecht Beger von Geispoltz-